

Sujet : Tertremo de Nepalo
Date : un, 3 May 2015 05:46:45 +0545
De : Pradip Ghimire

Terurega Tertremo en mia vivo.

Jen mi (Esploristo, Pradip Ghimire) skribis pri la tertremo de 2015/4/25 ,Nepalo

Okazis tertremo en Nepalo, 2015/4/25. En tiu tago mi vekigis je la 7 -a horo matene kaj iom legis pri ekonomio kaj financo ĉar mi estas studento de Komerco, poste manĝis matenmanĝon kun miaj familianoj. Kiel kutime, post la matenmanĝo mi decidis iri al oficejo de Nepala Esperanto -Asocio. Ĉar tiu tago estis sabato kaj preskaŭ ĉiu sabate ni renkontiĝas en nia oficejo. Mi iomete piede iris de mia loĝejo por preni buson, sed hazarde survoje mi renkontiĝis kun miaj amikoj kaj iomete babilis, kaj iris al buso-stacio. Buse mi veturis ĝis Sundhara (Sundhara estas bushaltejo proksime de la turo Dharara, tiu turo ankaŭ rompiĝis dum la tertremo kaj mortigis pli ol 50 homojn.) de tie mi ŝanĝis buso kaj iris ĝis Ratnapark. Mi iomete haltiĝis en ratnapark ĉar mi havis du eblajn vojojn atingi E-oficejon. Mi elektis iom komplikan vojon kaj transiris la ponton de ĉefa strato laŭ tiu komplika vojo ekzistas multaj vendejoj. Mi decidis tiun vojon ĉar mi volis renkontiĝi mia amikino, kiu laboras en tiu kvartalo. Tiu kvartalo estas ege danĝera ĉar estas mallarĝa strato kaj ambaŭflanke estas vendejoj. Mi telefonis ŝin kaj certigis, ĉu ŝi estas en vendejo oŭ ne ŝi diris jes. Kaj mi daŭrigis mian iradon, pensante nian baldaŭan renkontiĝon. Mi atingis ĉe la malnova domo, kie onis vendas ŝuojn. Ĝuste en tiu momento komenciĝis fali brikojn sur mi, mi kuregis al strato, sed pro la forteco de tertremo, mi ne povis bone kuri tamen mi trafis la faladon de brikoj, samtempe multaj aliaj homoj ankaŭ penis kuri kriante; Tertremo! Tertremo! Tertremo! Strato pleniĝis je homamaso. Kiam mi atingis straton, mi faris longan spiradon kaj vidis malantaŭen tiu malnova domo preskaŭ detruigis. Mi vere eskapis la morton estas diraĵo "Por mortiĝi devas veni tagon". Do mi pensis, ke tiu tago ne estis tago de mia morto. Mi stariĝis ĉe la agitita strato kun multaj aliaj homoj kaj vidis falantajn homojn el motorcikloj, ili apenaŭ povis stariĝi kaj tertremo ĉesiĝis. Homoj kuris al tiu malnova detruigita domo por helpi viktimojn mi ankaŭ vere volis helpi viktimojn, sed mi nek povis movi nek povis foriri. Subite, mi pensis pri mia koramikino kaj provis telefoni ŝin, sed mi malsukcesis kaj sendis SMS al ŝi. Feliĉe ŝi estis sekura kaj poste, kontaktiĝis kun sekretario de Nepala Esperanto -Asocio (Bharat Ghimire).

Mi vidis vundintojn sen kruroj, sen manoj, sango fluanta el la korpo de vundintoj, mi ne sukcesis helpi ilin. Mi de tie 10 minutojn piede iris al alia loko kie la turo de Kathmanduo (Dharara) detruigis. Mi iomete helpis, sed mi pro mia morforta stato ne povis helpi. Mi pensis reveni al mia loĝejo, sed nesukcesis trovi publikan buson. Do mi piede marŝis 30 minutojn ĝis Baneshwor kaj de tie mi prenis publikan buson kaj atingis loĝejon n.

Jen mi listigas ĉefajn punktojn pri la nepala tertremo (2015-4-25)

@ Oni nomis la tertremon, tertremo de Ghorkha. Barpak, kiu situas en Ghorkha distrikto estas epicentro de tertremo kaj ĝi situas meze de fama urbo Pokhara kaj Kathmanduo.

@ Ĝi estas 2-a plej forta tertremo en la historio de Nepalo kun la forteco de 7.9 rektoro-skalo. Anata tertremo estis kun 8.5 rektoro -skalo en la jaro 1993 kaj mortis pli ol 8000 homoj.

@ Plej damaĝitaj distriktoj; Sindupalchok (pli ol 2500 mortintoj), Kathmandu (ĉirkaŭ 1300 mortintoj), Ghorkha (415 mortintoj) , Bhaktapur, Lalitpur, kavre, Nuwakot, Dholakha.

@ Nombro de mortintoj jam superas 7000 kaj la vundintoj pli ol 15000 inkluzive mortintoj de eŭropaj landoj 12 (ĝis 2015-5-1)

@ Pli ol 4500 lernejoj kaj 700 kuracejo tute detruigis.

@ Grupoj de savistoj nun helpas en izolitaj vilaĝoj kie pli ol 80% da konstruaĵoj detruigis.

@ Registaro divenas, ke la nombro de mortintoj superos 10000. Kaj anoncis kuraci senpage al viktimoj.

@ Manaĝi eksterlandajn helpojn estas granda problemo por registaro. Registaro ankoraŭ ne bone sukcesas distribui helpon al viktimoj.

@ Grandega sumo de monhelpo venis el Japanio 800 milionoj da usona dolaro. Ĉinio ankaŭ helpegas savi viktimojn kun moderaj ekipaĵoj, sed Barata registaro ĉefe zorgas pri iliaj civitanoj, kiuj estas en Nepalo. Bhutana ĉefministro mem vizitis nepalon kun monhelpo de miliono da usona dolaro. Helpo ankaŭ venis el Britio, Kanado, Kataro, Pakistano, Srilanko, Aŭstralio, Koreio, Nederlando, Pollando, Germanio, Hispanio, Francio k.t.p.

@ Vetero post la tertremo estas aĉa, foje pluvas foje sunas.

@ Popoloj en Kathmanduo tranoktis ekster siaj domoj pro la timo de ripetitaj tertremoj (Pli ol 120 fojojn tertremis post la granda tertremo ĝis 1-a de majo) de 29 - an de aprilo vivo en Kathmanduo normaligas, sed timo ankoraŭ restas.

@ Nun la loĝantoj de Kathmanduo timas pri epidemio kaj forlasas Kathmanduon. Jam miliono da popoloj forlasis Kathmanduon.

@ Mankas akvo, elektro kaj reto en diversaj kvartaloj de Kathmanduo.

@ Multegaj historiaĵoj detruigis Patan Darbar, Hanuman dhoka, Bharatpur Darbar square, Dharara turo k.t.p. Tiuj estas ĉefaj allogaĵoj de turistoj. Inter ĝi kelkaj estas mondheredaĵo de UNESKO.

@ Kathmanduo forŝoviĝis 3 metrojn suden. Evresto restas en sama loko.

@ Ĉiuj esperantistoj estas sekuraj

**Skribas
Esploristo (Pradip Ghimire)**